

Izjava Alijanse za mir, pravdu i inkluzivna društva (EUPeace) o evropskim izborima 2024. godine

Izbori za Evropski parlament koji će se održati 2024. godine od najveće su važnosti za budućnost demokratije i ljudskih prava u Evropskoj uniji. Ispred Alijanse Evropskog univerziteta za mir, pravdu i inkluzivna društva pozivamo sve građanke i građane Evropske unije da iskoriste svoja demokratska prava i aktivno učestvuju u oblikovanju naše zajedničke budućnosti. Samo kroz zajedničko zalaganje i posvećenost demokratskim vrijednostima možemo graditi društvenu inkluzivnost i raditi na ostvarivanju Evrope posvećene miru i ujedinjene u raznolikosti.

Ovogodišnji izbori se odvijaju u nemirnim vremenima. Opasni međunarodni sukobi i ratovi, društvena polarizacija, populizam i rastuće nepovjerenje u nauku te uvjerljiva moć razuma i dijaloga pitanja su koja izazivaju ozbiljnu zabrinutost. Kao mreža univerziteta sa ključnom zadaćom da se građanstvu obezbijede vještine, znanja i iskustva koji su potrebni za unaprjeđenje mira, pravde i društvene inkluzivnosti, dižemo glas za jedinstvenost ljudskog dostojanstva i prava. Neprikosnoveno je poštovanje raznolikosti običaja, gledišta, neposrednih iskustava, društvenih pristupa i načina života. Zahvaljujući demokratskim procesima mi osnažujemo pojedince i stvaramo prilike da se čuju i poštuju glasovi svih građana i građanki.

U susret evropskim izborima od 6. do 9. juna, želimo ohrabriti cjelokupno članstvo naših ustanova da se angažuju u ovom demokratskom procesu, kao i da zagovaraju dostojanstven i konstruktivan način komunikacije među kandidatama, političkim strankama i glasačima. Demokratija i dijalog su u srcu Evropske unije; oni su kameni temeljci naših društava i osnove mira, pravde i inkluzije.

O Alijansi EUPeace

EUPeace je Evropski univerzitet za mir, pravdu i inkluzivna društva.

Posvećeni smo da građanima i građankama obezbijedimo vještine, znanja i iskustva koji su potrebni za unaprjeđenje mira, pravde i društvene inkluzije. Otvoreni smo svim naučnim oblastima i poljima, od humanističkih i društvenih nauka do prirodnih nauka i nauka o životu, kao i inženjerstvu, a nadahnuti obnovljenim Starim mostom u Mostaru – simbolom našeg logotipa – koji svjedoči da se dijalogom može prebroditi konflikt.

Philipps-Universität Marburg		Univerzitet u Marburgu
Justus-Liebig-Universität Gießen		Univerzitet u Giessenu
Université de Limoges		Univerzitet u Limogesu
Università della Calabria		Univerzitet u Calabriji
Universidad Pontificia Comillas		Univerzitet Comillas Pontifical
Západočeská univerzita v Plzni		Univerzitet Zapadne Bohemije
Sveučilište u Mostaru		Sveučilište u Mostaru
Çukurova Üniversitesi		Univerzitet Çukurova
Univerzitet u Sarajevu		Univerzitet u Sarajevu

Za više informacija molimo da stupite u kontakt sa Koordinacijskim uredom EUPeace na adresu info@eupeace.eu.